

欽定剿平粵匪方略

欽定勦平粵匪方略卷二百三十二 庚申年

三月初一日 乙丑 和春奏言接督 臣 何桂清等咨

稱廣德州城不守提督鄭魁士由高滄東壩帶
兵四千節日取道溧陽宜興等處察看賊蹤所
嚮迅速馳援因思四安一鎮地居蘇浙兩省之
中雖經何桂清派兵一千馳往周天受派參將
林保等帶兵二千扼守而鄭魁士一軍僅能進

攻廣德未能繞出賊前因選派副將會秉忠管帶長龍戰船六十號水勇一千名參將羅熙賢管帶陸兵二千名由常州蘇州馳往浙省湖州一帶竭力堵剿一面派令總兵劉季三等帶兵二千餘名前往溇壩連前所派遊擊梁成桂之二千人分別填紮以顧大營後路及常州門戶另募勇丁二千餘名派副將李嘉萬帶赴甯國

防勦臣與張國樑許乃釗通盤籌畫江浦駐兵
尙有萬餘昔恃此地以斷江北接濟今北岸之
九洲南岸之七里壽德等洲與上河上關下
關等險皆爲我有地勢已得江浦一城相隔在
外現已不關輕重莫若酌撤南岸填補長牆以
防首逆出竄及迎擊外援其自九洲至老西
江口沿江一帶仍留重兵以禦北路援賊由張

國樑前往辦理頃又接何桂清函稱廣德之賊
撲犯四安經周天受等擊退該逆卽由甯國縣
山徑竄陷湖郡之安吉縣李定太一軍業經羅
遵殿調回杭州等語查安吉距湖州僅百餘里
並有閒道直達杭州浙省情形喫緊曾秉忠羅
熙賢所部水陸兵勇三千均係敢戰之士現已
飛催不日當可趕到儻能將該逆擊退自可轉

危爲安 臣等總當殫盡血誠竭力兼顧

同日羅遵殿奏言廣德失守湖州四安地方及
安吉孝豐均與接壤李定太所帶兵勇二千名
改道前往湖郡迎頭扼堵惟兵力太單胡應元
已派赴孝豐防守周天受所統各營均已隔絕
在外雖據先派參將周天孚帶勇繞道行抵四
安亦祇一千餘人其潯黃南陵諸軍一時未能

卽到張苦自顧不遑勢難援浙不得已截留江
南大營新募江西勇一千餘名並委臬司段光
清督帶省城兵練馳赴餘杭孝豐一帶擇要扼
守其餘各縣要隘均經募勇集團勉力堵禦以
待援師因思曾國藩前曾奉

旨督辦浙江軍務所帶楚師最爲精銳逆匪震其威名
所至無不喪膽現由宿松太湖一帶規復安慶

可否仰懇

天恩飭令曾國藩速統兵勇卽日取道徽州兼程入浙
以保危疆

羅遵殿又奏言臣現接各處咨會何桂清徐有
壬已在蘇派兵一千餘名赴湖州一帶堵勦另
調長龍三板船一百隻來浙援助和春則派提
督鄭魁士親統瀆壩官兵四千名由溧陽荆溪

一路馳赴廣德迎勦張芾已令總兵米興朝由徽援浙俟績溪克復親自會同前來以上各軍果能剋期而至亦足以遏逆鋒連日疊據探報安吉城已有賊蹤均望東南一路內竄幸爲鄉團擊退自安吉至餘杭惟獨松等關最爲扼要臣已委臬司段光清甯紹台道仲孫懋督帶兵勇馳赴該處堵扼至四安一帶有參將周天孚

等各隊約有二三千人李定太由湖州至長興
擬赴四安助勦因聞安吉有警折向梅溪該逆
大股突至分路包抄我軍寡不敵衆突圍而出
李定太亦帶傷折回湖州四安亦有大股賊至
周天孚等鏖戰多時賊未稍退查四安梅溪同
時有賊分竄既可由長興直達湖州亦可由安
吉直犯省城臣惟有督率文武紳民嬰城固守

以待援師應仍請

旨迅飭會國藩全軍來浙及江南江西分別援應並請
飭令鄭魁士卽帶所部四千人先來浙江援剿兼可統
領諸軍其溧陽等處仍由和春派員防堵

羅遵殿又奏言廣德州之賊現分股竄至大環
橋距四安僅四五里周天孚甫到四安卽時出
隊將賊擊退不意又有另股竄東平湖關入安

吉縣境臣飛催李定太由長興迅赴安吉從梅
溪進兵趕緊攻勦惟賊氛已入浙地距省城不
過百數十里卽會國藩統兵援浙亦屬緩不濟
急惟有仰懇

天恩飭下和春就近於江甯大營撥兵萬餘揀派得力
提鎮統帶來浙並懇

飭下江西撫臣轉飭景德饒州帶兵將弁分撥兵勇赴

徽應援庶張芾卽可分兵兼顧浙省

同日周天受奏言廣德州踞匪由東門出撲四
安營壘經參將周天孚等擊退羅遵殿現咨總
兵李定太由孝豐閒道直抵四安堵勦並飭黃
池灣沘南陵等處各隊由建平轉入四安歸李
定太合隊攻勦查南陵灣黃賊屢力爭連年竭
力防守正以此爲浙江藩籬不可一日亡也廣

德入浙之路正視則四安旁窺則孝豐今臣軍
已在四安李定太又由孝豐開道迎出賊之有
所顧忌者惟南陵澇黃防軍尙在耳我一撤防
賊必羣起而進聯廣德爲一氣任其縱橫所關
甚大臣已檄飭南陵澇黃將領各守原防切勿
拔去且須安慰士卒不得誤聽隔絕在外餉道
不通之語自亂軍心均奏入

上命軍機大臣傳諭和春張國樑何桂清徐有壬曰賊氛直徧浙境安吉已有賊蹤毗連廣德之東平湖築有賊卡二座李定太甫抵梅溪爲大股賊匪所乘帶傷折回湖州周天孚在四安鏖戰亦恐寡不敵衆杭湖情形危迫又據周天受奏所派援兵於四安迎剿獲勝是羅遵殿所奏不免稍涉張皇惟浙江無素能用兵之將所恃李定太督率調度不料甫經出仗卽

已受傷退至湖州並據和春奏安吉亦已失守鄭魁
士帶兵取道溧陽等處救援又派副將曾秉忠等由
蘇常馳往湖州何桂清等復派兵船前往助勦兵力
不爲單薄但能調度得宜無難掃蕩賊蹤高瀆東壩
爲蘇常門戶因鄭魁士帶兵出援另派朱承先等帶
兵分別填紮所籌甚爲周密至周天受所稱南陵灣
黃如一撤防賊必羣起而進聯廣德爲一氣和春等

諒必加意防範不使該逆有隙可乘庶於救援鄰省
之中仍爲自固藩籬之計

上又命軍機大臣傳諭羅遵殿曰逆賊竄陷廣德窺伺
杭湖並已闖入安吉情形實屬喫重和春已令鄭魁
士統兵赴浙並派曾秉忠等統帶水陸官兵三千名
由蘇常徑赴湖州合之何桂清所派兵勇爲數已屬
不少周天孚又帶兵於四安獲勝著羅遵殿卽將前

項援軍飛提前進速將安吉攻復賊衆尙未深入自
不難於擊退李定太此次猝然遇賊以致受傷退守
湖州俟江南兵到仍令會同出勦不可株守一隅灣
黃南陵防兵一經撤動則蕪湖青繁賊衆必與廣德
聯爲一氣羅遵殿切不可輕率調動致有疏虞曾國
藩遠在皖北未能赴浙卽江西之兵亦恐緩不濟急
已諭令張芾酌量抽撥協濟矣

上又命軍機大臣傳諭張芾周天受曰逆匪由廣德州竄撲四安經周天孚等督隊截殺得此勝仗賊鋒自可稍挫惟李定太退守湖郡賊又竄陷安吉此時匪衆已繞出四安之南逼近杭郡省城待援孔急著卽飛催周天孚繞出賊前迎頭截擊鄭魁士統兵四千由溧陽一帶馳援湖郡曾秉忠等統帶水陸官軍三千由蘇郡馳赴浙省當足以資勦辦鄭魁士赴浙後

高瀛東壩和春已派兵扼守至南陵黃池灣汴亦爲
江浙門戶周天受不可因羅遵殿吞譏遽將防兵撤
歸浙境張芾擬俟克復績溪後親督勁旅赴援浙江
惟徽郡情形亦屬急迫能否分兵出勦著張芾酌量
情形權其緩急抽撥應援如有得力將弁可以管帶
張芾亦不必親自赴浙至徽甯二處赴浙援兵俟入
浙境後統歸李定太調度

初五日己瑞昌羅遵殿來存奏言臣等探知武

康縣城已有賊蹤該縣距省城祇百里內外一

日可到其時浙省兵勇均分防湖州孝豐餘杭

等處正擬調回扼紮而離北新關三十里之安

溪地方突有騎馬之賊焚掠而來臣來存趕赴

武林門攔截臣瑞昌馳赴錢塘門扼堵臣羅遵

殿卽將兵勇分派各門防守布置未定該逆已

大股屬至闖武林門當將各城門封閉爲登陴
守禦之計賊已在錢塘門外之棋盤山築壘二
十一二十二等日又在正陽門外之萬松等嶺
徧插旗幟窺伺城中臣等晝夜巡防不敢稍懈
幸杭城百姓敵愾同仇協同官兵守禦臬司段
光清甯紹台道仲孫懋遊擊胡應元各帶兵勇
回省兵力稍厚節據和春等咨稱續派副將向

奎總兵張玉良各帶兵勇二千援浙李定太亦
派參將周天孚等管帶兵勇二千餘名總兵曾
秉忠分撥長龍船二十隻及知縣馮佩珩礮船
十六隻駛赴省河援勦其總兵米與朝所統三
千六百人由徽州前來聞已行抵江口臣等惟
有固守待援俟大兵雲集方能合力痛勦乍浦
距省尙近惟有仰求

天恩飭下乍浦副都統錫齡阿再派官兵四百名連前
調四百名湊足八百名卽由該副都統管帶來
省以資勦守二十三日接該副都統函稱帶兵
協領祥瑞於十九日行抵塘棲詢知省垣北新
關已有匪徒搶掠勢難前進擬折回嘉興駐守
查該協領旣知省城緊急更當催兵救援乃竟
擁衆折回實屬畏葸不職擬請將該協領先行

摘去頂戴飭令仍統全隊來省隨同剿賊以贖
前愆奏入

上命軍機大臣傳諭和春張國樑何桂清瑞昌羅遵殿
來存曰皖南之賊由廣德徑竄四安逼近浙境業經
和春等派兵赴援乃該逆竟由武康直撲浙省羅遵
殿等登陴守禦布置蒼黃徒爲守城之計並未派兵
迎擊實屬無能之至向奎等帶兵援浙何以任令該

逆偏近浙省恐各軍未能確探賊蹤以致節節落後
著和春張國樑何桂清迅速催令前進以解省城之
圍瑞昌等現在固守待援務卽激勵兵勇妥爲防範
米興朝統兵三千六百名已抵江口卽可迎提協剿
一俟江南援兵雲集卽應內外夾擊痛殲醜類毋得
株守省垣致成坐困之勢瑞昌等請飭錫齡阿再派
官兵四百名來省助剿連前調之兵共八百名卽著

皇朝通志卷三十三
十一
瑞昌飛飭錫齡阿管帶赴省協領祥瑞帶兵行抵塘
棲旣知省城危急竟敢折回嘉興實屬畏葸著先行
摘去頂戴仍令帶兵赴省隨同勦賊如再不知奮勉
卽著從嚴叅辦

上又命軍機大臣傳諭慶端瑞瓚曰賊匪竄入浙境前
調江南大營兵數千名尙未全數到浙此時猝撲省
垣非厚集兵力不足以資攻勦著慶端瑞瓚迅速撥

兵二千名派委得力將領管帶馳赴浙江救援以解城圍毋許遲誤

同日周天受奏言逆匪由廣德州城出巢力撲四安均被我軍截擊羅遵殿所派總兵李定太係於二月初四日帶隊由杭州起程出孝豐以達四安計程不過三四日可到乃此起援師未能應急該逆於十一日竟以全力五六萬衆拌

死圍撲我軍力竭無援以至上四安所紮五營
被賊攻陷其中四安所紮一卡下四安所紮三
營暨六洞橋防軍能否無失尙無消息該逆復
由廣德分股旁竄安吉李定太之軍業經撫臣
調回省城臣再欲派隊援四而已不及近接和
春何桂清先後檄飭令臣堅守甯郡以待鄭魁
士等會剿廣德之賊當卽傳知南陵灣黃各將

士安心堵禦十五日涇縣繁昌兩路之賊而犯
南陵副將陳大富等嚴陣禦敵逆勢猖獗膽敢
直抵營濠卽經都司曾得勝等往還衝陣斬馘
甚多賊始敗退尙未遠遁此近日四安挫衄南
陵獲勝之情形也奏入

上命軍機大臣傳諭周天受曰四安爲入湖州正衝該
逆以全力拚死圍撲我軍力竭無援以至四安五營

被賊攻陷周天受惟當激勵將士奮勇直前由孝豐
一路攻賊之背以解杭城之圍

初六日

庚午

和春奏言

臣

前因甯國賊匪竄陷安

吉卽派曾秉忠等帶領水陸兵勇三千名前往
堵剿嗣聞李定太退守湖城又派副將向奎帶
兵二千往援而長興復報失陷孝豐境內亦有
賊蹤因催令鄭魁士由東壩高瀆帶兵四千馳

赴宜興兼顧內犯溧陽之路加派總兵張玉良
統帶兵勇二千餘名由常蘇相機進剿其羅熙
賢向奎所部二軍均歸調遣張玉良已於二月
十八日由金陵起程旋因清河克復又咨李若
珠將前次派往官兵三千調回再由揚州派兵
二千馳赴常州聽候何桂清調用鄭魁士於十
三日帶兵起身十七日行抵宜興所有瀘壩防

守事宜前已派委總兵劉季三帶兵二千馳往
接防昨又抽撥兵勇二千交劉季三調遣以資
厚集連日探知賊匪於十五日攻犯湖州府城
先經李定太周天孚擊退十七日賊衆攻城尤
力適會秉忠所帶長龍水師船趕到出其不意
前後夾攻該逆大敗退走湖城獲安此時羅熙
賢向奎兩軍計已先後到防加以李定太周天

孚所部之衆兵力漸厚且張玉良謀勇兼優爲江浙所共知不日帶兵到湖聲威愈壯與李定太會合勦辦必可得力惟是大江南北設防過遠兵力本形不足今因浙蘇同時告警又不能不設法分援合計調去兵勇已踰一萬有奇而高瀋東壩溧水秣陵等處地居衝要探聞竄浙賊匪已有潛回廣德者蕪湖金柱關逆援續到

亦復不少是金陵西路各防甚屬喫重惟有就江浦撤回之兵酌量添募壯勇妥爲分布前由金陵派赴江西募勇之千總劉國輝等招得新勇二千餘名將次到杭自應先其所急留於浙省調用以壯聲勢

同日何桂清徐有壬奏言臣等前因廣德失守江浙二省情形喫緊屢經會商和春發兵救援

湖州長興縣東四十餘里地名夾浦爲出太湖之總口藩司王有齡商之署臬司蔡映斗截留曾秉忠所帶之大礮船四隻並在上海雇募艇船四隻駛入夾浦口內嚴行堵截一面多派幹員會同太湖廳營將所有太湖船隻一概收泊東岸另雇巡船多隻責成太湖營汛帶兵繞湖巡查又自湖州至吳江腹地以平望鎮爲水陸

要隘另募壯勇一千名上海艇船十隻由臣等
飭委署臬司蔡映斗統帶前往平望鎮釋要堵
紮以爲湖州後路聲援其鄭魁士一軍甫經拔
隊卽得長興失守之信臣等函商鄭魁士先其
所急於行抵溧陽後卽分兵扼紮溧陽所有和
春調赴常州之揚州防兵二千應俟到常後查
明何路緊急卽赴何路接應查和春張國樑一

得浙江警信卽抽調勁兵至一萬三千餘名之多分別援勦毫無畛域之見現聞張芾已將續溪攻復亦派兵援浙儻能將湖州之逆剋日擊退大局尙可補救

何桂清徐有壬又奏言逆匪撲犯湖州攻陷武康偪近杭州省城二月十九二十等日在武林門外放火撲城適江南派援之副將向奎所帶

二千人已於二十二日早行過吳江縣之平望鎮當飭由嘉興一路兼程前赴杭州總兵李定太由湖州抽調周天受派援浙江之參將周天孚等軍二千八百餘人江南派援之曾秉忠所部長龍船二十隻及知縣馮佩珩所帶礮船十六隻於二十一日由湖州拔隊馳援杭州總兵米興朝統帶兵勇三千九百名於十六日由徽

州拔隊從於潛一路進發屈計亦可到杭尙有
獨松關防堵之甯紹台道仲孫懋一軍現亦無
事必已折回杭州並有兩次截留江南大營招
募新勇三千四百名合計兵力不爲不厚乃二
十五日探知浙江撫臣羅遵殿將援湖水陸各
軍全數調赴杭州臣等查逆匪大股屯聚湖州
府屬僅分一股撲犯杭州顯係湖州援兵漸集

故作此狡獪伎倆使我分兵援救杭州彼得逞
志於湖州也羅遵殿未識賊情致墮其術幸總
兵張玉良於二十四日早馳抵蘇州聞知情形
將羅熙賢一軍調回湖州並飭曾秉忠將留防
湖州之長龍船不准再行擅動而羅熙賢能否
追回長龍船已未赴杭均不可知浙江軍務本
應聽羅遵殿調度惟該撫主守不主戰且守近

不守遠李定太雖曾幫辦浙江軍務而自梅溪
失挫威望頓失亦不足以資統率可否請

旨飭下和春兼辦浙江軍務而以張玉良總統援浙諸
軍所有江浙徽甯官軍悉聽調度庶事權歸一
不致貽誤大局

同日都察院左副都御史張芾奏言旌德踞匪
甚多經總兵江長貴三次擊走軍心稍固而太

平股匪復竄犯譚家橋雖有參將程永年等會

督兵團分扼翁嶺湯嶺皆以兵力尙單不能剋

期進取乃疊接浙江撫臣羅遵殿來函皆以四

安不守省城危迫囑臣兼程馳往商辦防勦亟

應振旅東行以圖補救不得已先撤石埭全軍

檄令總兵米興朝率四千人由陸路赴浙並派

參將袁國祥率所部由水路進發原期徽防稍

輯卽抽調得力隊伍由 臣親自督率前往無如
軍情刻不能鬆續溪一路雖有江長貴駐守而
旌太踞賊仍時虞內犯夥邗各嶺自石埭撤防
後賊已嘯聚嶺外略一移動卽恐乘虛直入此
時賊已闖入浙界權衡輕重原不難棄徽圖浙
特徽州危而浙東諸郡勢必同時震動統籌熟
計不能不鎮守徽郡以固浙東藩籬疊接兩江

督臣何桂清提督周天受來函皆以駐徽保浙
爲詞卽甯防之南陵灣沚黃池各軍節據周天
受來咨亦以僅能酌量抽援不敢遽行全撤凡
此皆仍爲浙省全局計非敢拘守偏隅置浙事
於不問也昨經咨商總兵饒廷選率所部赴浙
援應應請

飭下江西撫臣 輝光宸飛檄饒廷選迅卽進發以冀挽

回萬一均奏八

上命軍機大臣傳諭和春張國樑許乃釗李定太曰逆匪偪近杭州省城和春等先後派援各軍已一萬有餘計可陸續趕到李定太在梅溪受傷折回湖州威望已失難資統率所有浙江軍務卽著和春兼辦並著張玉良總統援浙諸軍其各省派去帶兵之員及浙江各軍均歸張玉良調度以一事權羅遵殿祇知

固守省城並未派兵迎擊已非上策現將援救湖州各軍全數調赴杭州不知賊之大股尙在長興等處似此未識賊情必致墮其奸計著和春等卽飭張玉良督催諸軍迅解城圍一面兼顧湖州保障蘇常毋得顧此失彼

上又命軍機大臣傳諭何桂清徐有壬曰逆賊兩次攻撲湖州均經我兵擊退杭湖偏近江蘇浙省一經得

手恐該逆另圖竄擾該督等現在籌防江蘇布置尙屬妥協著卽認真堵截毋令闖入江境

上又命軍機大臣傳諭張芾曰皖南逆匪攻陷武康直撲浙江省城存城兵勇無多現在嬰城固守張芾所派米興朝袁國祥之軍著飛催前進與江南諸軍會合夾擊以解杭城之圍現命張玉良總統援浙諸軍張芾自應仍駐徽郡以固浙江藩籬毋庸親往

上又命軍機大臣傳諭羅遵殿曰皖南逆匪擾及浙境直撲省垣該撫將援湖水陸各軍全數調赴杭城不識逆匪分我兵力墮其術中已屬調度乖方而且主守不主戰守近不守遠株守省垣致成坐困之勢現在已命和春兼辦浙江軍務並命張玉良總統援浙諸軍所有江浙徽甯官軍悉聽調度羅遵殿卽飭令聽候張玉良調遣勿庸歸李定太總統該撫亦不得

率行更調致失機宜此時惟當激勵將士固守省城
一俟援師雲集內外夾擊以解城圍

上又命軍機大臣傳諭惲光宸曰賊撲浙江省垣軍情
緊急著惲光宸飛飭現駐浮梁之總兵饒廷選率所
部兵勇星速赴援浙江以資攻剿毋許遷延

初十日甲戌張芾奏言二月初七日賊由績溪擁

眾來犯副將余永椿等分路出戰賊由佛嶺另

出一股將我軍截分爲二守備張泰忠等殺入
核心各將士乘勢殺出張泰忠身受數槍猶與
都司江長泰力殿一軍總兵江長貴派隊策應
營軍而還初八日賊復直趨新管牌頭一帶進
撲郡城三節借同江長貴冒雨督戰賊糾衆萬
餘傾巢而至徽州府知府劉兆璜集團助陣知
府陳炳元等槍過浮橋大呼衝入參將文芳等

從山徑包抄賊陣驚亂紛潰追至四十里外始
行收隊臣因廣德州城被匪竄陷延擾浙界先
遣陳炳元一軍星馳赴浙一面咨商總兵米興
朝撤石埭崇覺寺各軍陸續往援仍與江長貴
激勵將弁速取績溪以分賊勢十二日密派隊
伍持炬攻城又令劉兆璜督同署知縣王峻召
團分伏近城山隴逆匪未知我軍虛實倉猝迎

拒又受大創乃棄城而遁余永椿等悉力追出
輦嶺縣城立時克復徽境一律肅清查此股匪
衆意在蹂躪徽甯窺伺浙省現幸將績溪攻復
江長貴督兵前往扼紫嶺防進規旌德其翁嶺
一路有編修宋夢蘭等駐守湯口一路有副將
羅承勳等駐守徽北稍資障蔽米興朝所統三
千九百餘人甫經抵郡卽日督帶起程援救浙

江至劉兆璜莅任未及三月乃能集團協守與
文芳力保危城王峻於受傷後亦能隨同劉兆
璜裹創力戰進取績溪不十日而縣城攻克實
屬功足補過合無仰懇

天恩准將知府劉兆璜參將文芳寬免失守屬汎處分
知州王峻免其治罪仍請革職暫留署任以觀

後效臣奉

命督辦皖南軍務於甯防事宜未遑整飭以致賊蹤滋蔓擾至浙疆實屬咎無可辭應請

旨將臣從重治罪奏入

上諭內閣曰賊由績溪撲犯徽州府城經張芾督同總兵江長貴等分軍兩路先後進剿賊勢大潰復派隊進攻績溪賊匪倉猝迎拒大受懲創棄城逃竄兵團追出鞏嶺縣城立時克復徽境一律肅清辦理尙屬

迅速張芾因賊由甯國竄出自請治罪之處著加恩
改爲交部議處徽州府知府劉兆瓊集團助陣徽州
營參將文芳帶兵剿賊尙屬出力所有該員等失守
屬汎處分均著准其寬免署績溪縣知縣候補知州
王峻於縣城失守後隨同官軍裹創力戰克復城池
著免其治罪仍革職暫留署任以觀後效

同日輝光宸奏言 臣接浙江撫 臣羅遵殿飛咨

甯國逆匪已由廣德擾及湖州之安吉等縣省
城戒嚴咨明江西派兵進援徽州以便徽防分
兵援浙查曾國藩水陸全軍現已直趨皖北彭
澤湖口之防較前稍緩業已飛檄副將文瑞統
帶所部二千餘名兼程前赴杭湖應援不准在
途濡滯奏入報

欽定勦平粵匪方略卷二百三十三 庚申年

三月十一日

乙亥

楊載福奏言接和春咨知浦口

九洲洲大捷後扼斷西北對江要衝金陵業經
合圍因思竄皖逆首如陳玉城李恃賢等勢必
悉力赴援江防尤爲喫重臣當派總兵陳金鼐
等前往蕪湖沿江一帶梭巡截南北兩岸渡江
之賊一面分隊輪攻安慶以牽其勢查南岸池

州北岸安慶桐城均未克復正宜會合陸師乘
機攻克以孤金陵賊勢熟籌現在情形臣之水
師應仍在蕪湖以上巡扼沿江要口隨時截擊
另派數營往攻池州並照前輪攻安慶臣親率
二三營往來上下江面督催堵剿俟陸師會齊
攻復安慶後相輔東下節節掃蕩始成建瓴之
勢儻金陵情形尙需礮船協助應請

飭和春將蕪湖以上紅單師艇或抽撥數幫或全數調
往下游聯絡一氣臣卽專防蕪湖以上一帶江
面庶幾呼吸相通奏入報

聞

十二日

丙子

和春奏言接浙江臬司段光清稟稱

逆匪在省城西南隅清波門外暗掘地道埋伏
火礮於二十七日將城轟塌三十餘丈該逆卽

從此處謠擁入城惟見滿營官兵接仗殺賊其餘兵勇紛紛潰散該司與副將王邦慶招集潰勇退保海甯嘉興一帶一面趕招艇船堵截錢塘江口以保甯紹門戶各等語現在何桂清奏派總兵張玉良總統諸軍恐未能深悉地勢據江蘇藩司王有齡稟稱情願自帶一旅以圖補救足徵忠義奮發

臣

擬咨商督

臣

先令王有齡

與張玉良會辦俾臣等得以專心督飭將士迅
拔金陵

同日何桂清徐有壬奏言查杭城倚山面江形
勢險峻約計在防兵勇尙可守禦何以未及旬
日遂被達溜臣與藩司王有齡反覆籌商湖州
已由督軍分派兵勇擇要堵禦嘉興府城亦
准李定太來咨卽日馳往扼守張玉良一軍已

由湖拔隊赴杭熊天喜所帶勁旅三千前隊已
抵蘇州臣等飭催倍道馳往察看緩急分別留
防進紮一面咨請和春速派勇敢大員多帶精
兵星馳會剿現又由署蘇松太道吳煦招募上
海戰船四十隻駛赴嘉興一帶迎頭進擊張芾
所派援浙之米興朝一軍聞亦不日抵杭並卽
咨催迅從於潛一路抄出賊前會同兜擊其自

浙入蘇要道平望鎮有署臬司蔡映斗統帶礮
船防守上游新市烏鎮及太湖一帶現亦分派
員弁扼堵並勸辦團練協力巡防以期周密均
奏入

上命軍機大臣傳諭和春張國樑何桂清徐有壬曰杭
州係全省領要毗連蘇省爲財賦之區斷不容該逆
久踞致誤東南大局和春現旣兼辦浙江軍務著卽

與張國樑何桂清王有齡通盤籌畫一面進攻杭城
一面嚴截竄路毋令擾及附近各處力保完善之區
並咨催前調閩兵二千及饒廷選所部兵勇迅速赴
浙以厚兵力其米興朝一軍已到江口即可飭令攻
城蘇州與杭州唇齒相依何桂清徐有壬務卽嚴密
布置毋得臨事蒼黃江蘇藩司籌辦大營兵餉責任
甚重著何桂清徐有壬保奏一員先行署理候旨簡

放所有杭州文武下落著和春等查明具奏昨據楊載福奏稱水師應仍在蕪湖以上巡扼沿江要口儻金陵尙須礮船請飭和春將蕪湖以上紅單師艇調往下游等語著和春等體察情形酌量辦理

上諭內閣曰據和春何桂清等馳奏杭城失陷覽奏焦憤實深和春等疊次所派援兵爲數已及萬餘何以全未趕到著和春張玉良查明各路帶兵員弁如有

集賢堂 卷之三十三 三
託故遷延卽立予正法王有齡著署理浙江巡撫會
同張玉良督飭諸軍迅圖克復其在城文武各官下
落著和春何桂清王有齡迅速查明具奏

又諭內閣曰欽差大臣江甯將軍和春著兼辦浙江
軍務甘肅肅州鎮總兵候補提督張玉良著總統援
浙諸軍專辦浙江軍務

十三日 丁丑 和春何桂清徐有壬奏言江蘇藩司

王有齡探知杭州失守卽飛咨張玉良乘賊設
守未堅趕緊馳往克復張玉良得信後卽飭副
將馬占葵管帶兵勇二千嚴守石門以固江蘇
門戶本月初一日親帶二千數百人星夜遄行
是夜卽至塘棲鎮探知杭州將軍臣瑞昌堅守
駐防之城連日與賊鏖戰張玉良卽派弁改裝
易服潛入城中面見瑞昌互相約會初二日張

玉良親赴大關一帶看明賊勢初三日早出賊不意將武林錢塘門外及昭慶寺賊壘全行掃蕩該逆疑從天降奔逃進城瑞昌調派八旗官兵縋城攔剿斬獲頗多張玉良挑選兵勇緣城而上瑞昌亦督隊登城擊剿互相援應我兵大隊一擁登城將城隍山校場等處屯聚逆匪斬滅殆盡臣等查此次杭州被擾將軍瑞昌堅守

駐防城至六日之久以待援兵厥功甚偉張玉
良於得信後卽出奇制勝兩日而克復省城王
有齡密告機宜籌濟軍火糧餉其功亦不可泯
撫臣羅遵殿等或云殉難陣亡或云爲瑞昌救
入駐防城內皆探無確信總兵熊天喜行抵蘇
州適聞杭州捷報王有齡商令行至前途如杭
州無須添兵卽由嘉湖閒道攻復德清再定進

止總兵李定太前由浙江撫臣羅遵殿咨調於
二月二十四日自湖州起程赴杭二十七日始
至離省數十里之長安鎮傳聞省城失守卽退
至嘉興府後知張玉良已至杭州於三月初三
日又由嘉興起程初四日仍至長安鎮張芾派
援杭州之總兵米興朝於杭州失守時紮營在
富陽縣境內合併陳明奏入

上命軍機大臣傳諭和春何桂清徐有壬王有齡曰逆
匪於二月二十七日攻陷杭州將軍瑞昌堅守駐防
城六日之久待張玉良援軍內外夾擊得以迅克省
城辦理甚爲妥速惟杭城甫經收復逆匪必在附近
一帶盤踞尙須痛加勦洗以除後患著和春卽飭張
玉良協同瑞昌將城中防守事宜嚴密布置李定太
米興朝所帶兵勇卽歸張玉良調遣以厚兵力此次

逆匪由廣德竄入浙西若不截其來路必至皖南之賊屬集於浙雖省城已復而到處蔓延亦屬可慮廣德州是否尙爲賊踞現派何員攻勦四安爲入湖州正衝參將周天孚等前次挫敗恐不足恃鄭魁士帶兵四千由溧陽馳赴宜興自應迅速前進克復長興熊天喜一軍經王有齡商令如杭州無須添兵卽由嘉湖閒道攻復德清著和春卽飭該提督等探明賊

蹤奮力攻勦不得稍涉遷延其孝豐武康之賊亦應一律掃蕩毋令久踞和春距浙較遠何桂清等與浙密邇消息易通正可就近策應王有齡現授爲浙江巡撫責無旁貸所有浙省應防應勦事宜著卽與瑞昌張玉良悉心籌辦以副委任羅遵殿等或稱殉難陣亡或稱救入駐防城中詳細情形著瑞昌王有齡查明具奏臬司段光清防守獨松關迨武康失守折

國救援省城何以一間杭州被陷卽與副將王邦慶
退保海甯嘉興顯係聞警先逃著瑞昌等查明嚴叅
懲辦蘇常等處防務仍著何桂清徐有壬妥爲布置
毋稍大意

上又命軍機大臣傳諭惲光宸曰張玉良馳赴杭州會
同瑞昌將入城賊匪擊退杭州省城尙未失守惟城
外尙有餘賊著惲光宸卽飭饒廷選星速帶兵前赴

杭州協同駐守省城歸瑞昌張玉良調度所有文瑞
統帶之兵毋庸前往杭湖著卽留於江西浙江交界
地方扼要駐紮嚴防敗竄餘匪以固邊圉

上諭內閣曰和春何桂清等奏江南援兵會同杭州駐
防官兵克復杭州省城覽奏實深欣慰將軍瑞昌於
省城被陷後尙能堅守駐防城至六日之久以待援
兵會同克復厥功甚偉著賞穿黃馬褂並賞給二等

輕車都尉世職候補提督張玉良出奇制勝於兩日
內克復杭城實屬謀勇超羣著賞穿黃馬褂並賞給
騎都尉世職署浙江巡撫王有齡密告機宜籌濟軍
火糧餉不遺餘力著補授浙江巡撫迅帶兵勇馳赴
浙省剿除餘匪辦理善後事宜欽差大臣江甯將軍
和春兩江總督何桂清派兵援救不分畛域深堪嘉
尚均著先行交部從優議敘江蘇巡撫徐有壬著交

部議敘衢州鎮總兵李定太汀州鎮總兵米興朝赴
援杭州遷延不進殊堪痛恨著卽革職留營效力仍
著瑞昌等查明如有畏葸退縮情事卽著嚴叅治罪
其在城文武官員下落並著瑞昌王有齡迅速查明
具奏

十五日己卯和春奏言查總兵李定太本係浙省

專閫大員勦捕是其專責自上年帶兵到省間

住數月並不豫爲布置迨廣德失守始行出省
乃自梅溪一敗退守湖州當杭州被圍並不親
自赴援僅派參將周天孚帶兵前往經撫臣羅
遵殿屢次飛催甫於二月二十四日啟行又復
回翔不前湖州距省路祇兩站直至二十七日
始到海甯州之長安鎮一聞杭省失陷之謠旣
不探明虛實星夜援救轉退至嘉興且所部兵

勇並不嚴行約束任聽沿途滋擾種種延誤乖謬卽立正軍法亦屬罪所應得惟念該總兵由向榮親軍屢經血戰著有勞績洊升今職尙可稍寬一死又總兵米興朝係張芾派委帶兵三千九百餘名馳赴杭州援勦於二月十五日由徽州起程聞二十三日行至杭州在城外之九龍頭紮營聞有警信並不進兵速援轉退至富

陽實屬懼怯無能副將向奎係 臣 專派帶兵援
浙之員聞省城危急卽帶兵於二月二十六日
先行趕到直抵杭州清泰門羅遵殿不令進城
防守飭於城外催兵是夜卽被逆匪轟城而入
該副將因聞城失遂卽退守石門亦屬毫無把
握均難姑容相應請

自將李定太先行革職交瑞昌張玉良差遣儻再不知

愧奮卽於軍前正法並將總兵米興朝卽行革職仍留營帶兵助勦副將向奎暫行革職以觀後效

和春又奏言逆匪竄赴浙江原欲分我兵勢以解金陵之圍今杭州省城旣復該逆勢必回竄頃據探報敗賊多赴廣德亟應趕緊分投截勦以杜竄越查提督鄭魁士前經臣飭令帶領官

軍四千名由宜興一帶前進攻取廣德嗣聞長興失陷該處與宜興毗連因又飭令暫扼宜興以固常州門戶惟鄭魁士現因傷疾舉發應飭將原部官兵四千仍回溇壩卽令總兵劉季三由溇壩帶兵四千前往宜興防守卽從此進攻長興其流洞橋爲通溧陽要隘刻下聚賊不少查有鄭魁士部下之副將馮日坤素稱勇敢應

令帶兵四千由東壩前往進剿所有瀘壩防堵
復於金陵抽撥兵勇二千飭令副將梁克勳帶
往扼紮以杜窺伺

同日瑞昌來存奏言逆匪用地雷轟破黃泥潭
城垣外城盡失滿兵固守營門勢甚危迫臣等
督兵死戰該逆爭撲錢塘門外一帶城牆竹梯
林立滿兵深知大義志矢敵愾毫無畏避一時

槍礮齊施無不以一當百登城之賊皆經殺斃
無遺賊勢稍怯其時營門外漢街復有賊衆分
撲亦經各該旗協領等官帶兵防剿殺賊甚多
初二日早官兵正與該逆爭持幸張玉良領兵
到省我兵知有外援勇氣百倍該逆知大兵來
援驚慌遠遁所有被陷各門漸次收復大城內
外一律肅清張玉良力解危城厥功甚鉅惟該

逆未經大創恐其復行回竄非有重兵來援難
期固守惟有仰懇

天恩飭催和春張國樑迅撥重兵來浙助剿至漢城文
武各官巡撫羅遵殿藩司王友端鹽運使繆梓
等皆已殉節應請

飭下何桂清速派明練司道數員來浙專辦地方事務
同日何桂清奏言據張玉良報稱克復杭州省

城後城外萬松嶺尚有賊壘三座因天晚未及
進攻是夜賊卽棄壘西竄張玉良督隊追勦二
十餘里殺賊擐旗勢如破竹杭州西路係富陽
餘杭二縣有張芾派援杭州之總兵米興朝帶
兵二千駐紮富陽副將王夢麟等帶兵二千駐
紮餘杭張玉良飛咨該鎮將相機截勦適總兵
李定太到省張玉良因其所部不甚得力卽飭

副將馬占葵帶領所部兵勇同李定太探明賊蹤所向跟蹤追勦與米興朝王夢麟等兩面夾擊以期聚而殲之張玉良隨同瑞昌在省彈壓布置以防回窺浙江巡撫羅遵殿署浙江布政使督糧道王友端署兩浙鹽運使金衢嚴道繆梓杭嘉湖道葉莖均於省城失守時被害浙江臬司段光清於二十七日出城暫紮海甯等處

張玉良函囑其赴省乃克復業已三日尙未見
到俟查明現在何處將其追回隨同辦理一切
何桂清又奏言杭州敗逆已有一股由原路竄
回安吉長興兩縣交界地方並在長興紮成竹
籜意欲順流竄入太湖又欲由長興西川嶺侵
犯宜興現在杭州肅清富陽餘杭兩路亦有前
後追截之兵惟宜興溧陽一路雖有鄭魁士帶

兵四千在彼防堵尙慮地大兵單王有齡已函
知總兵熊天喜卽由嘉興一帶進搆長興並囑
現在湖州之參將羅熙賢等整兵以待聽候熊
天喜調遣進剿臣亦函囑鄭魁士相機嚴防至
太湖中本有長龍船十隻漁船六十隻在彼防
堵臣又從江北調回長龍船十隻飭令由宜興
駛入太湖至長興之夾浦口協力堵剿均奏入

上命軍機大臣傳諭和春張國樑曰杭州省城現雖克復而近城地方賊蹤未盡掃蕩長興等邑城池尙爲賊踞卽著和春飭令張玉良督飭各路援兵克復各城毋留餘孽廣德州地關三省衝要若不克復則蘇杭等處防不勝防杭州敗匪多赴廣德亟應撥兵截剿鄭魁士傷疾舉發和春等已令劉季三帶兵四千前往宜興爲進攻長興之計又因流洞橋爲通溧陽

要隘另派馮日坤前往進剿所籌均屬周密惟廣德州係屬要路尙應添兵合圍速圖恢復毋令賊匪久踞金陵軍營派出援兵較多深恐逆匪乘機竄撲仍著和春等嚴密防剿一俟長興等邑收復卽可將赴援各軍漸次撤回

上諭內閣曰總兵李定太自上年帶兵到省並不豫爲布置迨帶兵出省於梅溪遇賊被挫退保湖州節經

羅遵殿飛催赴援遲延不進且不能約束兵勇任聽沿途滋擾一聞杭城失陷復退至嘉興米興朝經張芾派令赴援業已紮營城外聽聞警信退至富陽副將向奎經和春派令赴援行抵杭州後因聞城池失陷退守石門均屬救援不力已革總兵李定太係浙省專閫大員種種貽誤情形尤堪痛恨姑念其從前尚有戰功著交瑞昌張玉良差遣責令帶罪自效如

敢再有貽誤卽以軍法從事已革總兵米興朝著隨同張玉良軍營帶兵進剿儻再不知愧奮卽著從嚴叅辦副將向奎著暫行革職留營效力

上又諭內閣曰本日據瑞昌等奏杭州省城收復情形與和春等前奏大略相同杭州副都統來存於省城被陷後隨同瑞昌堅守駐防城以待援軍會同克復實屬可嘉來存著賞加頭品頂戴並賞給喀爾喀阿

巴圖魯名號以示優異

上又諭內閣曰浙江省城被陷六日既經克復巡撫羅遵殿暨司道等於城陷後同時殉難深堪憫惻浙江巡撫羅遵殿官聲素好到浙後留心吏治籌畫軍儲頗能實心任事著照巡撫例從優賜卹任內一切處分悉予開復應得卹典該衙門察例具奏署浙江布政使糧儲道王友端著照布政使例議卹署浙江鹽

運使金衢嚴道繆梓杭嘉湖道葉堃均著照道員例
從優議卹至該撫等死事情形仍著瑞昌王有齡詳
細查明具奏

上又諭內閣曰十三日接遞克復浙江省城捷報之奏
事官內務府員外郎福善著賞戴花翎兵部捷報處
郎中振興著交部議敘員外郎國英著賞換花翎委
署主事鈺昌筆帖式和陞額均著賞戴藍翎

同日官文胡林翼奏言接浙江撫臣羅遵殿咨稱浙江軍情緊急奉

旨令曾國藩統領全軍赴浙且由江皖繞道浙省有需未便遽行移師赴浙且由江皖繞道浙省有需時日亦恐緩難濟急惟念浙事危迫東南大局攸關臣等反覆籌商亟謀救鄰之策因飛撥知府蕭翰慶衝勇三千人並韋志俊義勇三千人

由開道疾馳往援如浙江兵力尙復不敷應由
臣等另行派員募勇以備援應至曾國藩所部
勇丁早與多隆阿李續宜等分道進兵現在潛
太雖復舒桐安慶賊尙負隅兵已深入驟難移
調援浙奏入

上命軍機大臣傳諭官文曾國藩胡林翼曰官文胡林
翼因接羅遵殿來咨卽撥衡勇三千義勇三千飭令

蕭翰慶等管帶馳援浙江足見該大臣敵愾同仇不存畛域之見惟浙江杭州省城失陷後旋經張玉良等會同瑞昌等攻復現在餘賊退踞廣德等處江南各路援兵亦已足敷勦辦楚省各軍現當分道入皖攻勦喫緊若以得力勁軍分撥赴浙深恐兵力空虛致形鬆勁所有蕭翰慶等管帶之衡勇義勇卽著仍留楚省爲入皖勦賊之用毋庸改道赴浙如業已起

程董著官文等迅速飛咨令其折回本境

同日張芾奏言查總兵米興朝督隊援浙遇賊
退駐富陽浙西情形久已隔絕僅恃浙東諸郡
尙可力籌補救查有督辦甯國糧臺之前任杭
嘉湖道孫觀因籌商餉事繞道來徽該員曾署
浙江臬司情形較熟卽飭赴嚴州一帶會商署
金衢嚴道胡澤沛及金衢嚴各府縣號召鄉團

認眞防堵總兵饒廷選已自浮梁取道婺源由
衢州進至嚴州相機前進至米興朝救援不力
偶一挫折卽退駐富陽地方實屬咎有應得應
請先行交部嚴加議處仍飭令迅速進兵以觀
後效奏入

上命軍機大臣傳諭張芾曰米興朝救援杭城遷延不
進已將該總兵革職留營所帶之兵與援浙各軍均

歸張玉良總統現在浙省敗殘餘匪勢必各路分竄
張芾卽當飛飭派往嚴州之道員孫觀會同該地方
官鼓勵鄉團隨地截勦並於徽郡交界處所派兵截
擊毋令闖入徽郡至浙省長興武康孝豐德清等縣
坵皆失守所有米興朝一軍並江西派援之饒廷選
一軍均須留交張玉良調遣俟克復各縣後再行撥
歸

十九日

癸未

張芾奏言浙東浙西僅設統兵大臣

一人恐不足以資控制蓋浙西惟嘉湖兩郡與江蘇之蘇松常連界浙東則金衢嚴甯紹台溫處八郡與江西之廣信皖南之徽州相通杭城橫貫於中若統兵大臣駐於東則不能及西駐於西則不能及東此一定之勢也以臣愚見惟有額請

簡放統兵大臣正副各一人分轄諸軍駐紮東西兩路
會攻合擊方能有濟其駐浙西者以嘉湖爲進
路以蘇常爲後路駐浙東者以嚴州爲進路以
金衢爲後路並將浙東浙西各府縣之錢糧捐
輸團練悉歸統兵大臣辦理事權合一無所議
卸庶可速挽全局至浙江提督駐紮甯波應請
飭令整頓水師招集水勇從下游駛入錢塘江以遏賊

氛旁竄奏入

上諭曰所奏甚屬妥協俟續有浙省軍報再爲斟酌

二十一日

乙酉

瑞昌來存奏言省垣雖經克復逆

匪尙未遠颺難保其不勾結黨與再來撲犯亟
需防守布置逆賊平日所最畏者惟張玉良一
軍拏獲奸細供稱逆首僞忠王李侍賢一見張
字旌旗卽蒼黃無措今省垣初復一切布置鎮

撫全賴張玉良駐紮籌商辦理方臻妥協卽逆賊亦必探張玉良之去留以定行止張玉良駐省民心安定賊決不敢再犯如追賊出境或移師他處百姓恐又驚慌土匪潰勇因之勾連生事惟有仰懇

恩施准將張玉良留杭督辦軍務以杜奸宄而安人心
瑞昌來存又奏言臣等於克復省垣後查知撫

臣羅遵殿已於城陷時與妻女一同殉難署布政使王友端署鹽運使繆梓杭嘉湖道葉莖署杭州府知府馬昂霄仁和縣知縣李福謙等亦俱殉難協領札勒堅圖賽沙吞佐領薩音納靈志防禦貴祥驍騎校成剛榮亮志善哈哈善青海勇目蕭雲均先後打仗陣亡按察使段光清暨杭協副將王邦慶已於初六日進城現在漢

城並無文武大員段光清既已進城擬令兼署
藩篆俾得辦理糧餉安撫居民副將王邦慶派
令查點潰散兵勇彈壓土匪並檄調金華府知
府麟趾來省幫辦地方事務奏入

上命軍機大臣傳諭瑞昌張玉良王有齡曰羅遵殿於
城陷時與妻女一同殉難羅遵殿之妻係何氏其女
幾人羅遵殿王友端繆梓葉莖馬昂霄李福謙等是

否殺賊遇害抑係在署自盡未據瑞昌等明晰聲敘
仍著查明詳細具奏此外同城之錢塘令及文武各
官有無被害及逃避出城情事並在城紳士被難者
若干著一併詳查分別奏參請卹杭城雖已收復餘
匪竄至餘杭其長興孝豐武康德清各縣均未收復
急應撥兵分勦前據和春等奏擬令熊天喜一軍規
取德清此外各縣尙未據奏派何人前往攻克和春

遠在江南較長莫及卽著瑞昌張玉良王有齡會同
籌商迅速辦理前調之饒廷選一軍計已到浙卽可
派令與米興朝等各軍分投掃蕩攻克四縣勿令久
踞蔓延張玉良著卽留於浙江督辦軍務以資得力
臬司段光清當省城失陷時輒與副將王邦慶出城
茲聞克復回省居心實不可問該將軍等現令該員
兼署藩篆自係爲一時乏人起見惟此等劣員斷難

姑容前令何桂清等於江南遴選明幹道府數員赴浙幫辦地方事宜所有司道等缺卽可酌量委署以專責成

上諭內閣曰杭州城陷後打仗陣亡及在城殉節各員弁效死勿去矢志捐軀可嘉可憫著杭州府知府馬昂霄仁和縣知縣李福謙協領札勒堅圖賽沙畚佐領薩音納靈志防禦貴祥驍騎校成剛榮亮志善哈

哈善青海勇目蕭雲均著交部從優議卹其同時殉節之紳士民團人等並著查明請卹